

新淦縣志卷二十八

祠廟 目錄四十五條

聖廟

崇聖祠 名宦祠 鄉賢祠 忠義孝弟祠 節孝祠

關帝廟

社稷壇 風雲雷雨山川壇

先農壇

文昌宮 城隍廟 丁公廟附 勉齋祠 練公祠 龍神

廟 廣王廟 宋武帝廟 土地祠 雙忠廟 令公



廟 英佑侯廟 武安王廟 陶桓公祠 周瑜廟

東岳行宮 天符廟 康王廟 晏公廟 四雷廟

廬山廟 祖師廟 李王廟 丁孝子廟 昭惠靈顯

王廟 嘉應侯廟 威濟公廟 仰山孚惠廟 施侯

廟 監軍廟 許公祠 娘娘廟 汾陽行宮 張王

行祠 天符行祠 財神廟

新淦縣志卷二十九

祠廟



祠廟首尊聖人聖人務民義而遠鬼神遠而能敬知
之事也祭法有之捍大災禦大患以死勤事以勞定
國者祀典必及崇德報功義也吳俗尚鬼甚於畏法
是鬼神禍福之說於民義亦不無小補云作祠廟志

聖廟

漢

高帝十二年帝過魯以大牢祀孔子

明帝十五年至魯詣孔子宅

章帝元和二年至魯祀孔子

晉

孝武帝大元十七年李遼表請修孔子廟不報

書孔子廟始此

宋

文帝元嘉十九年宋修孔子廟

自晉書李遼表請修孔子廟不報至是又五十年矣始

書嘉之也亦傷之也

南北朝

齊魏乙亥年魏主如魯城祠孔子封其後爲崇聖侯

梁

武帝天監十四年梁初立孔子廟

以上俱通鑑綱目

唐

武德二年始詔國子立周公孔子廟七年以周公爲先
聖孔子配貞觀二年左僕射房元齡博士朱子奢建言
周公尼父俱聖人然釋奠於學以夫子也大業以前皆
以孔子爲先聖顏子爲先師乃罷周公升孔子爲先聖

顏回配四年詔州縣學皆作孔子廟十一年詔尊孔子
爲宣父作聖廟於兗州給戶二十以奉之咸亨二年詔
州縣皆營孔子廟開元二十七年詔夫子既稱先聖可
謚曰文宣王遣三公持節册命以其嗣爲文宣公任州
長史代代不絕先時孔廟以周公南面而夫子坐西牖
下貞觀中廢周公祭而夫子位未改至是二京國子監
天下州縣夫子始皆南面向以顏淵配贈諸弟子爵公
侯唐書禮樂志第五

宋

至聖文宣王唐開元末升爲中祠設從祀禮今攝三公行事
朱梁喪亂從祀遂廢唐長興三年仍復從祀周顯德二
年別營國子監學舍宋因增修之塑先聖亞聖十哲像
畫七十二賢及先儒二十一人像於東西廡之木壁親
撰先聖亞聖贊十哲以下命文臣分贊之真宗大中祥
符元年詔以十一月一日幸曲阜謁文宣王廟親製贊
刻石廟中追謚元聖文宣王旋以國諱改謚至聖文宣
王詔大常禮院定州縣釋奠器數大觀三年禮部大常
寺請以文宣王爲先師兗鄒荆三國公配享十哲從祀

元

宣聖廟太祖始置於燕京成祖始命建宣聖廟於京師大德十年秋廟成至大元年秋七月詔加號曰大成至聖文

宣王

元史祭祀志

制曰先孔子而聖者非孔子無以明後孔子而聖者非孔子無以法所謂祖述堯舜憲章文武儀範百王師表萬世者也可加大成至聖文宣王遣使闕里祀以大牢
元史

明

至聖先師孔子廟漢晉及隋或稱先師或稱先聖宣尼宣父唐諡文宣王宋加至聖號元復加號大成明太祖入江淮府首謁孔子廟洪武元年二月詔以大牢祀孔子於國學三年詔革諸神封號惟孔子封仍舊四年禮部奏定儀物五年詔天下通祀孔子并頒釋奠儀注十七年敕每月朔望祭酒以下行釋菜禮郡縣長以下詣學行香二十六年頒大成樂於天下三十年以國學

孔子廟隘命工部改作其制皆帝所規畫正統三年禁

天下祀孔子於釋老宮十二年闕里孔子廟敕有司重建十七年廟成遣李東陽致祭并立御製碑文嘉靖九年大學士張璁言先師祀典有當更正者請於大成殿後別立室祀叔梁紇而以顏路魯暫孔鯉配之又言孔子宜稱先聖先師不稱王祠宇宜稱廟不稱殿祀宜用木主配位止稱先賢先儒後禮部會議人以聖人爲至聖人以孔子爲至宋貞宗稱孔子爲至聖其意已備今宜於孔子神位題至聖先師孔子去其王及大成文宣之稱改大成殿爲先師廟大成門爲廟門其四配稱復

聖顏子宗聖曾子述聖子思子亞聖孟子十哲以下凡及門弟子皆稱先賢某子左邱明以下皆稱先儒某子不許稱公侯伯崇正十五年以左邱明親授經於聖人改稱先賢改宋儒周二程張朱邵六子亦稱先賢位在七十子下漢唐諸儒之上

明史

國朝

順治二年定每歲春秋仲月上丁日祭

先師孔子又定每月初一日

聖廟行釋菜禮十四年議准祭

先師祝文稱

至聖先師孔子通行直省各學康熙二十三年

聖祖仁皇帝

御書萬世師表匾額頒懸各學大成殿二十八年

御書贊并顏曾思孟贊勒石摹搨頒發直省三十五年覆准平

定厄曾特噶爾丹朔漠永清釋奠

先師勒石大學五十一年

諭朱子升配

大成殿十哲卜子商之次五十四年以宋儒范仲淹從祀

聖廟位列西廡韓愈之次雍正元年

首命追封

孔子五代王爵啟聖祠改爲崇聖祠改造匾額並將追封字

樣通行直省府州縣衙畫一施行二年

命增定從祀先賢先儒復林放蘧瑗秦冉顏何鄭康成范甯增

縣賈牧皮樂正子公都子萬章公孫丑諸葛亮尹焞魏

了翁黃幹陳淳何基王伯趙復金履祥許謙陳浩羅欽

順蔡清陸隴其又增張迪入

崇聖祠又增仲弓伯牛子張有若四家博士是年以平清

海遣官釋奠於

先師勒石大學三年

諭

先師孔子聖諱理應迴避嗣是除五經四書外凡遇此字並

加卍爲邱五年

諭八月二十七日

至聖先師孔子誕辰自王公以下俱應致齋禁止屠宰永著

爲令是年

御書生民未有匾額頒懸各學

大成殿乾隆元年議准

聖廟脯醢宜豐鹿脯鹿醢加增鹿二

正位及

四配

崇聖祠正位仍用兔醢十一哲兩廡

崇聖祠配位兩廡易兔醢爲醢醢加增豕二二年

御書與天地參匾額頒懸各學

大成殿又覆準元儒吳澄仍舊從祀大學位列西廡趙復

之次三年又覆準冉氏卜氏端木氏言氏顓孫氏各有

五經博士又覆準

先賢有子若升配

大成殿爲十二哲在先賢卜子商之次東位西嚮移朱子神位於西在先賢顓孫子師之次十三年奏準十二哲東西各少牢一案兩廡各少牢三案

崇聖祠四配兩廡東西各少牢一案

嘉慶 年

仁宗睿皇帝

御書聖集大成匾額頒懸各學

大成殿道光元年

皇上

御書聖協時中匾額頒懸各學

大成殿二年議準明儒劉宗周從祀大學位列西廡蔡清之次三年議準 湯斌從祀大學東廡羅欽順之次
新塗

聖廟建自唐貞觀十四年宋紹定二年寇燬署事同知李鼎重建大成殿知縣董雲才復建兩廡明宏治間廟圯僉憲李齡郡守尙縉擴地於左計深二十五丈廣半之仍

建大成殿正德間寇燬知縣劉天錫重建殿前翼以兩廡嘉靖九年奉詔改大成殿爲

先師廟櫺星門爲廟門內有泮池跨以石橋廟後啟聖祠祠左敬一亭名宦祠右鄉賢祠宰牲所萬歷丁未知縣朱邦正重修崇禎四年甲戌知縣劉拯節以丹雘

國朝兵燹圯順治十一年諸生請於巡按笄檄令知縣潘岭重修仍新東西廡教諭萬興倫共勦厥成後

聖廟鄉賢祠櫺星門俱圯守西道施閏章率推官陸璿劉源深知縣高燦胡之琳教諭方廣潤訓導章成美捐貲重

修康熙戊申啟聖祠名宦祠圯知縣董謙吉捐貲重修訓導曾三接董其事康熙十六年三逆叛變兵寇交攻學官鞠爲茂草知府陳克峻知縣毛延芳會集紳士重修正殿簇新東西廡訓導梁天清偕生員段官錦孫廷珍楊萬年黃螽生共相與有成四十九年知縣王毓德教諭江砥訓導林作楫率紳士捐貲重修

聖殿啟聖祠鄉賢名宦諸祠五十四年夏通縣國學生捐貲重建泮池戟門乾隆三十七年知縣王昂率紳士捐貲改建

聖殿於中東爲訓導署西爲教諭署嘉慶十九年知縣壽星
保教諭邵孟遴訓導賴欽之率紳士勸捐重修校舊制
規模宏厥

正殿前石柱四建牌樓書大成殿殿後崇聖祠兩翼爲東
西廡又前爲櫺星門門之左爲名宦祠右爲鄉賢祠門
外爲泮池石橋跨其上池外爲官牆以石爲之中書

至聖宮牆左曰金聲右曰玉振邊有兩關門東曰德配天地
西曰道冠古今宮牆對面爲屏牆中建大成坊東西牆
頭砌圈門二左曰禮門右曰義路殿之左傍曰明倫堂

訓導署新文昌宮在焉殿之右爲教諭署尊經閣勉齋
忠孝節義土地諸祠在焉知縣霍樹清記

至聖先師孔子木主高七尺二寸廣四尺厚一寸二分座高
一尺二寸廣四尺五寸朱地金書

祭品帛一 白色長一丈八尺 爵三 登一實用太羹 鉶二實

用和羹 簋二實用黍稷 簋二實用稻粱 籩十實

用形鹽藁魚棗栗榛菱茨鹿脯白餅黑餅 豆十實用

韭菹醢醢菁菹鹿醢芹菹兔醢筍菹魚醢脾斲豚胎

牛一俎 羊一俎 豕一俎 尊一 血豆一 鐙二

鑪一 祝版一 高九寸廣一尺二寸白地青邊有架

四配東龕復聖顏子述聖子思子西龕宗聖曾子亞聖孟

子木主高三尺六寸廣九寸厚一寸座高七寸廣一尺

三寸赤地金書

祭品東西各二壇每壇帛一 爵三 鉶羹二 簋二

籩二 籩八實減白餅黑餅 豆八實減脾所豚胎

羊豕各一同俎 尊一 鐙二 鑪一

十二哲東龕先賢閔子冉子雍端木子仲子卜子有子西

龕先賢冉子耕宰子冉子求言子顓孫子朱子木主高

三尺四寸廣六寸厚一寸座高四寸五分廣一尺二寸

赤地金書

祭品東西各二壇每壇帛三 爵三 鉶羹一 簋一

實用黍 籩一實用稷 籩四實用形鹽棗栗鹿脯

豆四實用菁菹鹿醢芹菹兔醢 羊豕各一同俎 尊

一 鐙二 鑪一

東廡先賢蘧子瑗澹臺子滅明原子憲南宮子适商子瞿

漆雕子開司馬子耕梁子釗冉子孺伯子虔冉子季漆

雕子徒父漆雕子哆公西子赤任子不齊公良子孺公

肩子定鄒子單罕父子里榮子旂左人子郢鄭子國原

子亢廉子潔叔仲子會公西子與如邾子巽陳子亢琴

子張步叔子乘秦子非顏子噲顏子何縣子亶樂正子

克萬子章周子敦頤程子顥邵子雍凡三十九位先儒

公羊子高周人子伏子勝秦博士漢文帝時命晁錯往受尚書董子仲舒

漢景帝時為博士后子蒼漢武帝時博士杜子春漢哀帝時人劉歆門

武帝時為江都相人諸葛子亮漢昭烈帝時人王子通隋文帝時人范子仲淹宋貞宗大元祥

符八年進士歐陽子修宋仁宗天聖八年進士楊子時宋神宗熙寧九年進士程子門

人羅子從彥宋神宗時人李子侗宋哲宗時人呂子祖

謙宋孝宗時進士蔡子沈宋孝宗時人陳子淳宋寧宗時人魏

子了翁宋寧宗慶元五年進士王子柏宋理宗時人趙子復宋末元初

人私淑朱子許子謙宋末元初人吳子澄元人武宗時胡子

居仁明正統時人王子守仁明成化十年進士羅子欽順明宏治六年進士

湯子斌河南人國朝凡二十四位

西廡先賢林子放宓子不齊公冶子長公皙子哀高子柴

樊子須商子澤巫馬子施顏子辛曹子卹公孫子龍秦

子商顏子高壤駟子赤石作子蜀公夏子首后子處奚

容子葳顏子祖句井子疆秦子祖縣子成公祖子句茲

燕子伋樂子欬狄子黑孔子忠公西子蒧顏子之僕施

子之常申子棖左子邱明秦子冉牧子皮公都子公孫

子丑張子載程子頤凡三十八位先儒穀梁子赤周人子夏

門高堂子生秦季人至漢時傳士禮孔子安國漢武帝時諫議大夫毛子萇

漢武帝時河鄭子康成漢桓帝時人范子甯東晉武帝時豫章太守韓

子愈唐德宗貞元二年舉貢士宏辭胡子瑗宋仁宗景祐初蘇湖教授司馬子光宋仁

宗寶元尹子焯宋神宗時人胡子安國宋哲宗紹聖四年進士張

初進士子棖宋高宗末以蔭補官陸子九淵宋孝宗乾道八年進士黃子幹宋寧宗時人朱

子門真子德秀宋寧宗慶元五年進士何子基宋理宗時人陳子

澹宋末人金子履祥宋末元初人許子衡元世祖時國子監祭酒薛

子瑄明永樂十年進士陳子獻章明正統十年進士蔡子清明成化二年進士

劉子宗周陸子隴其本朝康熙庚戌進士凡二十四位

木主俱高一尺九寸廣四寸五分厚五分座高二寸二分

分廣七寸五分紫地青書

祭品東西每四位一壇每壇帛一爵三簋簋各一

籩豆各四尊一鐙二鑑一東西各羊三豕

三每羊一豕一同俎凡祭致齋三日學官列正獻官分獻官執事

生員樂舞生姓名送縣張榜前期正獻官率屬省牲視

新金系志 祠廟 十三

滌濯演習禮儀樂舞如正祀屆期五鼓知縣正獻教官
分獻東西哲縣丞巡檢典史分獻兩廡武官陪祭各朝
服恪恭厥事開戶迎神大合樂麾幡二祝一敔一琴六
瑟二鐘磬各十有六壎箎各二鳳簫二洞簫笙六笛六
搏拊二鼗二鼗鼓楹鼓應鼓各一舞旌二翟四十八籥
四十八朱干二戚二工歌生六人立堂上各執笏迎神
歌昭平之章各官行三跪九叩首禮初獻堂上歌宣平
之章堂下舞宣平之舞獻官升堂奠帛獻爵讀祝畢次
詣四配位前行禮亞獻歌秩平之章舞秩平之舞終獻
歌敘平之章舞敘平之舞獻官行禮俱如初獻飲福受
胙徹饌歌懿平之章送神歌德平之章各官行三跪九
叩首禮闔戶望瘞焚祝帛望燎畢事

祭文乾隆九年頒行

維年月日具官某致祭於

至聖先師孔子曰惟先師德隆千聖道冠百王揭日月以常
行自生民所未有屬文教昌明之會正禮和樂節之時
辟雖鐘鼓咸恪薦於馨香泮水膠庠益致嚴於籩豆茲
當春秋仲祇率彝章肅展徽忱聿將祀典以復聖顏子宗

聖曾子述聖子思子亞聖孟子配尙饗

樂章

迎神昭平之章

無舞

大哉孔子先覺先知與天地參萬世

之師祥徵麟紋韻答金絲日月既揭乾坤清夷

初獻宣平之章

有舞

予懷明德玉振金聲生民未有展也

大成俎豆千古春秋上下清酒既載其香始升

亞獻秩平之章

有舞

式禮莫愆升堂再獻響協鼓鏞誠孚

壘甌肅肅雝雝譽髦斯彥禮陶樂淑相觀而善

終獻紱平之章

有舞

自古在昔先民有作皮弁祭茶於論

思樂惟天牖民惟聖時若彝倫攸敘至今木鐸

徹饌懿平之章

無舞

先師有言祭則受福四海黌官疇敢

不肅禮成告徹毋疏毋瀆樂所自生中原有菽

送神德平之章

無舞

鳧繹峩峩洙泗洋洋景行行止流澤

無疆聿昭祀事祀事孔明化我烝民育我膠庠

右樂章春祭夾鐘爲宮倍應鐘起調秋祭南呂爲宮

仲呂起調

祭器

木祝板二座

木俎二百四十六個

木饌盆十六個

木燭臺五十三對

木牲盤十八個

白筐盒十八個

竹絲邊二百四十六個

木高架照四十八個

盥盆木架二個

油桌棉十八個

磁彝二個

磁登一個

磁鼎十六個

磁毛血碟十六個

毛血銅盆二口

磁研二十二個

磁簋六十一個

磁簋六十一個

磁香爐十八個

磁著罇八個

磁罇罇八個

磁爵五十四個

銅杓八個

鐵燔爐二座

鐵燎叉四把

鐵庭燎爐八柱

緞傘蓋一頂

木俎二十架

樽柎二架

供桌六張

琴桌六張

凝秀書院志板六十八塊

樂舞器

侑翟四十八枝

舞籥四十八枝

羽毛一百四十四枝

鐘磬架二座

大鼓一架

楹鼓一架

應鼓一架

鼗鼓二架

琴二架

笙六攢

龍笛六枝

鳳簫二排

洞簫六枝

塤一盒

篪二枝

祝一座

歌一座

銅鐘十六口

石磬十六面

象簡六塊

麾旛二座

旌節二座

十二塊

成二座

以上祭器樂舞器因歷年久大半殘缺底冊存學署
崇聖祠舊名啟聖祠雍正元年加封孔子以上五代木金
父公爲肇聖王祈父公裕聖王防叔公詒聖王伯夏公
昌聖王叔梁公啟聖王祠更今名在文廟後舊制狹小
嘉慶十九年鼎新之規模宏廠橫四丈一尺深二丈八
尺、中龕奉五王神主左右配列先賢顏路曾皙伯魚
孟孫氏從祀先儒周輔成程响張迪朱松蔡元定五王

木主高二尺四尺廣九寸五分厚八分座高六寸五分
廣一尺四寸朱地金書祭以春秋二仲上丁日獻官先
詣祠行事畢然後致祭先師陳設祭品凡五壇每壇品
實同文廟四配

東西配木主高二尺二寸廣四寸五分厚六分座高三
寸廣一尺赤地金書祭品陳設東西各一壇每壇品實
同十二哲

從祀木主如兩廡式祭品陳設東西各一壇每壇品實
同兩廡

祭文 乾隆九年 頒行

維年月日具官某致祭於肇聖王裕聖王詒聖王昌聖王啟聖王曰惟王奕葉鍾祥光開聖緒盛德貽後積久彌昌凡聲教所覃敷率循源而溯本宜肅明禋之典用申守土之忱茲屆仲春事修祀事配以先賢顏氏先賢曾氏先賢孔氏先賢孟孫氏尙饗

名宦祠在櫺星門左祀晉縣令羅綏陳黃法蕪隋李子樂南唐李筠宋李潛汪杲何洪黃幹縣丞張遇明知縣曹行夏穢勞樟陸美中楊宏科曾陳易訓導陳旅凡十

六人

祭品帛一爵三盃一盞一籩四豆四羊一豕一同俎尊一鐙二鑪一香槃一春秋釋奠文廟畢教官率執事生

行禮

祭文

昔官茲土咸有樹立燬非倖成功非掩飾孰彰於前孰遠於聞穹碑信史遺跡剩芬施法死勤著在舊典禮以成之敢用弗腆麗牲載酌進公之堂擊鼓迎神 神其我享

鄉賢祠在櫺星門右祀南唐陳喬宋曾三聘蕭建功明
練伯尙胡雲端練子寧胡子泰張九韶胡儼陳壽胡子
持胡叔廉胡器孫仁黃仁山謝階周謨朱瓊張希張佩
吳達朱孟震張堯文張克文朱仕彥饒思聰干鳳聶心
湯張叔鏗胡應詔胡安叔周一松凡三十二人祭品儀
注同名宦祠

祭文

民以俗習賢因地靈身彝行獲鄉人所經或器沉涵或
節稜厲要其歸趣若執左契某水某邱公所昔遊文獻
之餘賴有前修我享維時以妥以侑颯然精爽鑒我籩
豆

按彭綱鄉賢祠記云宋嘉定間邑令邵自強始建祠
於學宮祀南唐門下侍郎陳喬淳祐間邑令鄭續祀
左諫議大夫孔文仲曾三聘不與焉陸璿重修鄉賢
祠記首陳喬其次則曾三聘無所謂孔文仲者考宋
史孔文仲係新喻人陸記不載其以此與若胡儼者
雖祖籍新淦查明史列傳儼南昌人陸記附入或者
兩地並載如殿撰劉子壯本黃岡人省志清江志載

清江人黃岡籍之類也

忠義孝弟祠雍正元年禮部欽奉

特旨覆奏令各州縣建祠學宮內祠前立石碑將前後忠義孝弟之人刻姓名於其上已故者設牌位每歲春秋致祭新淦建祠在明倫堂左今尊經閣左祀忠義南唐陳喬元孔會心明練子寧徐正郭裕凡五人孝友宋張仲友郭扑李仲發元馮辰彭細孔蕭大臨江偉明干顯德黃流張文吳龍鄧桂性王舜道王秉節鄧國材凡二十

人

祭品帛一爵三飯一盂饌五器饅首二槃羊豕各一同
俎尊一鐙二鑪一香槃一行禮如名宦鄉賢二祠

祭文

維年月日具官某致祭於本邑忠義孝弟之神曰惟靈稟賦貞純躬行篤實忠誠奮發貫金石而不渝義問宣昭表鄉閭而共式祇事懋彝倫之大性擎蒿菽克恭念天顯之親情殷棣萼模楷咸推大懿德

綸恩特闡其幽光祠宇維隆歲時式祀用陳奠簋來格几筵尚饗

節孝祠雍正元年奉文建於學宮新淦建在明倫堂右
今尊經閣右祀晉陶夫人湛氏以下合四十七人今增
姓名具見列女傳

祭品帛一爵三飯一盃饌五器羊豕各一同俎酒尊一

鐙二鑪一香槃饅首二春秋致祭與忠義孝弟祠同期

祭文

惟靈純心皎潔令德柔嘉矢志完貞全閨中之亮節竭
誠致敬彰閭內之芳型茹冰蘖而彌堅清操自勵奉槃
匱而匪懈篤孝傳徽

絲綸特沛乎殊恩祠宇昭垂於令典祇循祀事式薦芳醪尙
饗

闕聖廟在城東建興寺左祀

忠義神武靈佑仁勇關聖大帝明天啟五年乙丑進士張叔
鏜及舉人陳志泰首倡鼎建順治戊子寇燬康熙丙申
修覆後數年知縣董謙吉捐廉二百金鼎新道光元年
知縣霍樹清捐廉重修新其門樓每歲凡三祭春秋仲
月上戊日祭品帛一爵三牛一豕一羊一籩十豆十五
月十三日祭品帛一爵三牛羊豕各一果五槃部 頌

祭文

惟帝浩氣凌霄丹心貫日扶正統而彰信義威震九州
完大節以篤忠貞名高三國神明如在徧祠宇於寰區
靈應丕昭薦馨香於歷代屢徵異蹟顯佑羣生恭值辰
遵行祀典筵陳籩豆几奠牲醪尙饗

雍正三年追封

關帝三代公爵曰光昌公曰裕昌公曰成忠公製神牌祀於
後殿祭品帛一爵三豕各一羊各一籩豆各八五月十
三日無籩豆用果五槃

祭文

惟公世澤貽庥靈源積慶德能昌後篤生神武之英善
則歸親宜享尊崇之報列上公之封爵錫命優隆合三
世以肇禋典章明備恭逢訊吉祇事薦馨尙饗

社稷壇

順治元年定歲以春秋仲月上戊日致祭雍正二年奏
準直省府州縣祭社稷壇府稱府社之神府稷之神在
州縣則稱州縣雍正六年議準

太社

太稷神牌均高二尺五寸神座尺有五寸共高四尺籩豆案
僅高尺有二寸較各壇稍低應將神座加高一尺安奉
神牌共高五尺以符土爲五數之古制其籩豆等案應
加高尺有三寸共二尺五寸以符五五之數新淦社稷
壇在城北一里許望仙橋頭舊志壇制東西二丈五尺
南北二丈五尺高三尺四出陛各三級壇下前十二丈
或九丈五尺東西南各五丈繚以周牆四門紅出北門
入

雍正二年定社稷壇祭品用黑色帛各一白瓷爵各三

羊一豕一釧二簋二盃二豆四籩四

祭文 乾隆八年 頒發

惟神奠安九土粒食萬方分五色以表封圻育三農而
蕃稼穡黍承守土肅展明禋時屆仲春敬修祀典庶九
丸松柏鞏磐石於無疆翼翼黍苗佐神倉於不匱尙饗
風雲雷雨山水壇在治南門外一里許宋元附祭於社稷
壇明初令天下各祀其境之山川後以風雲雷雨合祭
之復參以城隍之神

國朝因爲定制每歲春秋仲月上戊日祭社稷壇畢隨祭

此壇以風雲雷雨神居中山川神居左城隍神居右
祭品風雲雷雨帛四山川帛二城隍帛一俱用白色餘

同社稷

祭文 乾隆八年 頒行

惟神贊襄天澤福佑蒼黎佐靈化以流行生成永賴乘
氣機而鼓盪溫肅攸宜磅礴高深長保安貞之吉憑依
鞏固實資捍禦之功幸明肅之殷盈仰神明之庇護恭
修歲祀正值良辰敬潔豆觴祇呈牲幣尙饗

先農壇雍正四年覆準奉府尹直省督撫及府州縣衛各
于所治地方擇潔淨之地設立

先農壇及耜田自雍正五年爲始每歲仲春亥日致祭
先農之神照九卿耕耜行九推之禮五年議準按春秋文
義云

先農壇高四尺二寸方廣五丈其各省壇制應高二尺一
寸廣二丈五尺神牌尺寸與社稷同祭品用羊一豕一
帛一劓一簠一簋二籩四豆四

祭文 乾隆八年 頒行

維神肇興稼穡粒食蒸民頌思文之德克配彼天念率

育之功常陳時夏茲當東作咸服先疇洪惟九天之尊
歲舉三推之典恭膺守土敢忘勞民謹奉彝章聿修祀
典惟願五風十雨嘉祥恆沐于神庥庶幾九穗雙岐上
瑞頻書於大有尙饗

乾隆二年

直省府州縣社稷風雲雷雨山川諸神所在有司以時致祭
所以肅祀典而迓休和禮至重也省會之地督撫司道
駐劄同城向因禮文未載遂不與祭專屬府州縣官行
禮朕思督撫司道等官均有封疆守土之任自當虔奉

明禋爲民祈報凡春秋致祭社稷風雲雷雨山川等壇
督撫應率領闔屬文武大小官敬謹行禮提鎮道官駐
劄之地一例率屬陪祭其如何分別班次委官監禮及
修理壇壝祭器之處該部詳悉定議具奏欽此遵

旨議準嗣後直省每逢祭祀之期省會之地督撫將軍都統
副都統率領司道文武等官各按品級照例文官列東
班武職列西班行禮布政使乃地方正印官仍令主祭
其府州縣地方如有提鎮道官亦令各按品級分東西
兩班行禮府州縣繫地方正印官仍令主祭前期卽令

主祭官於教職內委監禮官二人佐貳雜職內委監視祭品官一人令其虔誠執事至直省社稷風雲雷雨山川壇壝如有歲久應修祭器或有未備及歲久損壞者行令督撫轉飭地方如式修補以重祀典十六年覆

直省

壇廟祭祀省會之地以布政使主祭督撫陪祀其有道官駐劄之府州縣地方以府州縣主祭道官陪祀不惟分班行禮陪祀者位尊主祭者秩卑於禮制未協且使屬官因統率大員陪祀之故瞻顧踟躕不克致敬盡誠達其精意嗣後直省

社稷風雲雷雨山川各壇春秋二祭省會令督撫主祭布政使以下陪祀其有道官駐劄之府州縣地方亦令道官主祭府州縣等官陪祀照直省丁祭督撫主祭之禮統歸畫一再督撫道官倘遇出巡時仍令布政使暨該地方正印官攝祭至各將軍都統提鎮等皆繫武職仍照向例陪祭

大清會典

文昌宮萬歷戊申知縣朱邦正屬學博傅文勳建儒學前左後建武署學舉人楊思乾遷射圃之陽前多空

崇正辛巳舉人呂應官倡建門廡二重門內各建一亭
周圍繚以墻垣計深二十丈有奇門外餘地豎店二間
取租備祭祀修整用

國朝順治戊子兵燬七年知縣吳來儀重建康熙九年知
縣董謙吉更新視昔增高教諭楊思乾記乾隆己亥年
知縣蔡國臣重修今傾圮嘉慶二十一年知縣曹人傑
率眾紳士捐輸改建學宮左屋凡三楹中龕奉

文昌帝君神牌殿前爲拜亭又前爲戲臺臺邊耳房二高其
層樓爲魁星閣殿後供奉文昌帝君先代神牌知縣曹
人傑記嘉慶六年五月欽奉

諭旨致祭

文昌帝君仿照

關帝廟定制列入祀典春秋致祭每歲以二月初三日
聖誕爲春祭以八月十八日爲秋祭其祭品儀注與祭

關帝廟同

祭文

惟神蹟著西垣樞環北極六匡麗曜協昌運之光華累
代垂靈爲人文之主宰扶正久彰夫感召薦馨宜致其

尊崇茲屆仲秋春用昭時祀尙其歆格鑒此精虔尙饗

嘉慶六年禮部奏後殿龕現供

文昌帝君先世及後代各神牌查關帝廟於雍正三年

敕封關帝曾祖祖父為公爵加號尊崇製牌安奉今

文昌帝君三代姓名查無確據未便請加封號謹擬增

設牌位一分牌位用

文昌帝君先代神位字樣紅飾金書其祭品儀注與祭

關帝廟後殿同

祭文

祭引先河之義禮崇反本之思矧夫世德彌光延賞斯

及祥鍾累代炯列宿之精靈化被千秋緯人文之主宰

是尊後殿用答前庥茲值仲春肅將時事用申告潔神

其格歆尙饗

城隍 在治東隅燬於火隆慶五年知縣李樂重建便

民倉左邑學憲朱璉記歲久傾圮天啟五年邑民鄒福

廷楊應正增設拜亭

國朝康熙壬子知縣董謙吉訓導曾三接縣丞張秉觀典

史支丕揚驛丞劉祖鯨襄助重修乾隆戊申年知縣周

新治縣志 卷三
書酉率紳士捐貲重修明初以城隍合祭於風雲雷雨山川壇及祭邑厲則迎其神主祭於厲壇之上春秋廟中不復專祭惟守土官到任備牲告祭

祭文

惟神正直無私生民保障禦災捍患眾所瞻依某等欽承

上命忝職茲土今當仲

春秋

謹具牲醴用伸常祭尙享

勉齋祠祀宋新淦知縣黃榦舊在治東門外卽高峯書院久廢爲民居嘉靖九年教諭王輔請提學邵銳檄知

縣田邦傑重建於治東知府徐問記并撰祝文嘉靖四十二年知縣樂舜賓復遷於治南二里許未就知縣蔡常毓續建隆慶二年郡司理唐舜欽復改建啟聖祠右歲久傾圮每祭遷主別室崇正五年教諭揚思乾詳縣劉拯修葺舊址擴增拜亭久廢今在尊經閣左傍忠義孝弟祠

祭品羊豕各一帛爐劍各一燭六爵三盞盞各二籩豆各二

祭文

新淦縣志 卷二
先生治養身心沉酣載籍道禁方嚴志節如石淵源師
友新安得宗惟公紹之義理春容來治斯民弗戒用勸
爰出厥餘以作來宣高峯有祠時享時祈士民服公公
無我違尙饗

練公祠祀本邑太中丞練子寧卽舊金川書院今改建
學宮左乾隆五十九年知縣宋廣備率紳勸捐重修繚
以周垣祠前建店三間歲取租爲檢蓋計每歲春秋仲
月上戊日致祭其祭品儀注與勉齋祠同

祭文

於惟我公維嶽降神千秋正氣一代偉人蚤友文靖矢
爲忠臣廷對一策尋晉中丞正色立朝若鶴在羣靖難
師起拊膺裂靛綱常念重鼎護身輕披鱗秉直叩馬同
貞某蒞茲土夙仰英名肅瞻神宇凜然猶生薄陳三奠
用慰公靈尙饗

龍神廟在老文昌閣前殿知縣蔡國臣建匾曰霖雨蒼
生

廣王廟在治西滄洲臨河祀唐詩人建州刺史李頰

新志

宋武帝廟在新淦縣四十里尙樂山臨江楊雯有詩

帶

土地祠舊側向崇禎五年武陽教諭改向南今仍舊制
在尊經閣右

雙忠廟祀唐大尉張公巡許公遠舊在治南大石橋紹
興中遷治東新興寺右宋文信公文天祥作歌云爲子
死孝爲臣死忠死又何妨自光嶽氣分士無全節君臣
義缺誰負剛腸罵賊睚陽愛君許遠畱得芳名萬古香
後來者無二公之操百鍊之剛嗟乎人生歛矣云亡好
烈烈轟轟做一場使當年買國甘心降受人唾罵安得

流芳古廟幽沉遺容儼雅枯木寒鴉幾夕陽郵亭下有
奸雄過此仔細思量嘉靖辛酉流寇逼城公著顯應有
嘉折首

國朝順治間知縣潘岭鼎新之郡人鄒瑄有歌嘉慶 年
重修 舊志

令公廟祀唐汾陽王郭子儀大尉李光弼在治北朝天
門外一里許舊建金川書院後明萬歷辛卯知縣楊宏
科移金川書院儒學右因葺舊地建令公廟 舊志

英佑侯廟在治北四十里大洋洲祀邑人蕭伯軒及其

子叔祥孫天任明景泰四年敕封爲英佑侯成化二十年甲辰上遣新淦知縣致祭御製祭文宣德十年僉憲廬陵曾鼎記武英殿大學士邛濬知縣俞稷有告文所遺有肉身楠鍬錄詳見古蹟志

武安王廟祀

關帝紹興六年知縣趙不華建在治東

通志

陶桓公祠在新淦縣明憲副洪萬善肖晉太傅陶侃像以孫靖節先生配修撰羅倫記

通志

孝通廟在峽江治南舊名龍母祠宋大觀年間賜額孝

通

通志

按宋時所云峽江卽新淦

周瑜廟在峽江吳志云瑜常定豫章廬陵畱鎮巴邛後人因立廟祀之額曰忠烈已廢

通志

按吳志所云峽江巴邛

新淦

東嶽行宮在治北二里許舊傳徙縣之初用郭璞地鈴因作祠於此乾道二年建明萬歷丙申重修邑進士張堯文記康熙庚辰重修學博文行遠記己酉府憲王倡助重修嘉慶十五年紳士捐貲重修

天符廟在治南一里許廟始於宋康熙以後次第重修
康王廟祀宋侍中康保裔在治南二里許雷塘寺左嘉
靖四十五年捐修順治以後次第重修

蕭晏二公廟在治西門外古黠兵臺祀水府晏公真人
一統志云晏公名戍仔樟樹鎮人元初爲文錦局堂長
官因病歸登舟尸解人以爲神立廟祀之顯靈江湖間
永樂中封平浪侯合祀英佑侯蕭公真人名曰蕭晏靈
祠後殿祀藥王孫真人并財神位殿之外爲拜亭爲戲
臺

四雷廟東雷茱萸岡南雷秀峯山西雷百丈峯北雷玉
華峯

蕭九將軍廟有二祀邑人蕭昂在六都白馬一附近墓
一在河濱燬於兵康熙壬子鼎新之昂元時人爲水神
墓載瑩墓志

廬山廟在治西三十里白馬

祖師廟有二一在白馬一在大埭

李王廟祀唐西平王李晟在治西灘頭

丁孝子廟在刻木山張沈改建有辨疑見山川志府志

作刻木山廟

昭惠靈顯王廟祀清源真君在治北寧極觀之東宋宣和中建嘉應侯廟舊在西門石橋北紹興中遷於新興院側世傳神姓張淮陰人今封顯慶東平王

威濟公廟在治西政和間民疫禱神舉賴以安紹興十年建祠今加封善利孚應王

仰山孚惠廟在東山永壽禪院仰山袁州山也原祠在宜春相傳宜春人徐璠者舟行至大孤山有二蕭生云居宜春仰山遂同載歸至浦東告別期至石橋相訪後

徐至其處見二龍乃知爲仰山神唐會昌初建於仲山之陽宋加王封元符二年賜祠額爲孚佑

江西通志

施侯廟在治西隅古志云施三十郎

石頭廟在治西北五里

監軍廟在治西城口祀唐楊行密附祀明鄧學耕廟傍有壘閼數百年矣天雨輒淘出米粒稍黑而質不壞可以愈痢疾明諸生饒逢恩有記學耕邑樓前人

許公祠祀唐荊州太守許遠在城隍廟左雍正乙卯年鼎建乾隆四年及五十四年次第重修

娘娘廟祀痘神在治南二里許天符廟後

汾陽行宮在北門外嘉慶十三年捐助鼎建

張王行祠在治東門街嘉慶五年建

天符行宮在南門外嘉慶十一年建

財神廟在城隍廟右乾隆戊申年建

邑厲壇在北門外舊有祭文碑明嘉靖初燬每歲三祭

以清明日七月十五日十月朔日迎城隍神主其壇榜

無祀鬼神分祭之祭品羊三豕三飯米三石

鄉社壇鄉厲壇各鄉俱設今廢

附邑侯祠

秀水陳侯名奇謀號海樓萬歷甲戌進士令淦釐剔夙

弊疏編派之苦尋以艱去後擢畱臺淦民南運解額侯

加惠舊民省雜費祠建縣治前邑中丞朱孟震記

烏程李侯名樂號臨川隆慶戊辰進士令淦愛民若子

疾惡如仇申請條編一則賑惠孤貧禁選儀賓及尊經閣便民倉等建置皆關大體士民爲石像祀十字街中喻劉松記

漳浦蔡侯名琮號崑石萬歷初令淦多善政肖像祀於縣前

吳縣朱侯名邦正號恬宇萬歷甲辰進士令淦釐庫書積弊鑿玉帶湖遠學宮加意造士淦人士建木主祀之北門口

署令南克明侯名時舉萬歷庚戌進士以峽令來署淦事清敏多能祠建學前街右以上俱城內

餘姚楊侯名宏科號意白萬歷丙辰進士令淦連歲凶飢極意拊循建置多關風化祀澄江門外邑中丞朱孟震有記

番禺曾侯名陳易號東陽萬歷戊戌進士令淦崇簡質有實政以便民祠建朝天門舊金水亭

涇縣王侯名文燿號及岩萬歷壬辰進士令淦禮士愛民創建文塔祠建塔左龍安寺右

平湖陸侯名鰲號南溟嘉靖壬寅以郡別駕署縣比去

士民建脫靴亭邑臬憲饒思聰記祠在文塔龍安寺左
 郡守王公名伯生紹定壬辰臨江大祲民絕粒公解囊
 貲賑活甚眾民德之立祠祀焉在惠政橋玉溪門西街
 久廢舊志所載存考

(Faint bleed-through text from the reverse side of the page)

